



## U G O V O R

### o protupožarnoj i protueksplozivnoj zaštiti gasnog sistema Kantona Sarajevo

**KJKP „Sarajevogas“ d.o.o., Sarajevo, Ul.Trg Fadile Odžaković Žute 4, Sarajevo, BiH**  
Koga zastupa: V.D. Direktor Preduzeća, Samir Pajević, dipl.ing.maš, (u daljem tekstu:Kupac)

i  
**Kantonalna Uprava Civilne Zaštite Kantona Sarajevo, Ul. Reisa Džemaludina Čauševića 1, Sarajevo, BiH**  
Koga zastupa: Direktor Kemal Cacan, (u daljem tekstu: Prodavac)

#### Član 1.

Kupac će svoju Zakonom propisanu obavezu da ima vlastitu vatrogasnu jednicu, riješiti potpisom ugovora sa Prodavcem, kojim će Prodavac u potpunosti preuzeti obaveze koje ima vatrogasna jedinica Prodavca.  
Predmet ovog Ugovora je vršenje usluga protupožarne i protueksplozivne zaštite gasnog sistema Kantona Sarajevo, po postupku nabavke koji je izuzet od primjene Zakona o javnim nabavkama BiH, broj IZJN-05-07/20.Prodavac je dostavio ponudu prema specifikaciji Kupca broj SP-OJ04-IZJN-05-07/20, koja je priložena ovom ugovoru i predstavlja njegov sastavni dio.

#### Član 2.

Prodavac prodaje, a kupac kupuje usluge iz člana 1. ovog Ugovora, u ime i za svoj račun prema specifikaciji SP-OJ04-IZJN-05-07/20-01 koja je sastavni dio ovog Ugovora.

#### Član 3.

Ugovorna vrijednost usluga iz člana 1. ovog ugovora sa uračunatim popustom bez PDV-a iznosi: **46.800,00 KM (slovima: četrdesetšesthiljadaosamstotinaKM).**

#### Član 4.

Prodavac će usluge iz člana 1. izvršavati u toku 2020. i 2021. godine godine, nakon zaključenja ovog ugovora, a prema potrebama Kupca.

#### Član 5.

Prodavac će obračun usluga vršiti mjesečno u iznosu od **3.900,00 KM** bez poreznih obaveza. Kupac će plaćanje izvršiti u roku od **10** dana nakon prijema uredno ispostavljene fakture na depozitni račun Kantona Sarajevo broj: 1411965320008475 kod BBI Banka d.d., Sarajevo.

#### Član 6.

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.

#### Član 7.

Prodavac će usluge izvršavati na osnovu usmenog poziva Kupca ili pismenog obavještenja od strane Kupca. Usmeni kontakt može da bude na osnovu poziva Dispečerskog centra Kupca ili Službe zaštite od požara i zaštite na radu, a pismeni na osnovu pismenog obavještenja Službe zaštite od požara i zaštite na radu.

Obaveza Prodavca je da za potrebe Kupca:

- Obavlja poslove u svojstvu (preduzetne) vatrogasne jedinice Kupca, u skladu sa Zakonom o zaštiti od požara i vatrogastvu,
- Izvrši edukaciju jedinice civilne zaštite (jedinice za zaštitu i spašavanje) Kupca, za poslove zaštite i spašavanja od požara na gasnom sistemu i objektima Kupca i zaštite od poplava na lokaciji Poslovno tehničkog objekta Kupca u Butilama,
- Provede, zajedno sa segmentom sigurnosti Kupca, vježbu zaštite i spašavanja od požara i poplava na lokaciji PTO Butila,
- Dostavi sve informacije za nesmetano izvršenje usluga, a naročito one koje se odnose na statusne promjene,
- Stavi materijano tehničke resurse Prodavca usluga na privremeno raspolaganje Kupcu usluga, u skladu sa propisima i mogućnostima.



**Član 8.**

Obaveze Kupca su sljedeće:

- Davanje informacija Prodavcu koje su mu potrebne za obavljanje ugovorenih poslova, ukoliko ne zadiru u poslovnu tajnu Preduzeća,
- Ispunjavanje obaveza u pogledu poštivanja rokova i načina plaćanja.

**Član 9.**

Ovaj ugovor se zaključuje na period od 1 (jedne) godine od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

**Član 10.**

Ugovorne strane su saglasne da prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke nadležnoj za dodjelu navedenog ugovora o javnoj nabavci.

Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

**Član 11.**

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

**Član 12.**

Ovaj Ugovor stupa na snagu danom potpisivanja od strane obje ugovorene strane, a sačinjen je u 5 (pet) istovjetnih primjeraka, od kojih svaka ugovorena strana zadržava po 2 (dva) primjerka, a jedan primjerak će se dostaviti Inspekciji zaštite od požara Kantona Sarajevo.

**Član 13.**

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

**Za Prodavca:**

Direktor, Kemal Cacan

Broj ugovora:

01-11-285-1/20

12.05.2020.

**Za Kupca:**

V.D. Direktor Preduzeća Samir Pajević, dipl.ing.maš.

Izvršni direktor Mr. Mehmed Mehović, dipl.oec.

Broj ugovora:

48/20

Adem  
Cacan

Mehmed  
Fetic

04-03-2020  
Euzor  
Kadric